

حقوقی بیلگیلر مجموعه سی

آیده بر نشر اولنور

DOCTRINE

تَتَبُّعُ فِکْرٍ

حقوقی فکرلر — RÉFLEXIONS JURIDIQUES

مجد و اصول محاکمه

مجموعه مزک ایکنجی نسخهنده بیناته دائر مجله احکامک اصول محاکمه نک ۸۹ نجی ماده سنجه اقتباس ایدلمش عد ایدیه جکندن او موادک ملغا عد ایدیه مهیه جکی نظریه سنی، مدرس رشید بک مطالعه سنی تأییداً « حقوقی فکرلر » دهده درمیان ایتش ایدم. بو مطالعه بعض قیمتی آرقداشارک خالصانه تنقیدینه معروض قالدی. بالتدقیق تنقید واقعلک من جهة وارد و دوغرو اولدیفنی اعتراف ایتک مجبوریتدیم. دها دوغروسی سوء تفهم، ایلک دفعه فکرمی سرد ایتدیکم صردهده وضوح نامله افاده مرام ایتدیکمدن ایاری گلشدر.

بن دوشونیورم که اصول محاکمه مجله ده کی بینات فصله ک تطبیق ایدیه جکنی بیان ایتسیله بینات حقنده کی مجله موادینی بنسهمشدر؛ اصول محاکمه الفا ایدلمدکجه مجله نک او ماده لری اوراده موجود عد ایدلیلدر؛ بو نظریه، بنجه، منطقک غیر قابل اجتناب بر نتیجه سی اوله رق قبول ایدله لیدر؛ بو نظریه نک اصابتده مصرم.

فقط ، اصول محاکمه ده حق توطن اکتساب ایتش اولان مجله نك پينات بحثده کی احكامك علی الاطلاق و حال سابقه تطبیق ایدیلوب ایدلمه یه جکی مسئله سی آری بر بحثدر ؛ بر حاکم ، او حکملردن هانکیلرینی قانون مدنی احکامنه مغایر کورورسه تطبیقات قانونك ۳۳نجی ماده سنك برنجی قسمنه کوره تطبیق ایتمز ؛ یوقسه مجله نك الغا ایدلسی سببیه عدم تطبیق یولنه کیتمز ؛ فکرمرزی بر آرز ده ا توضیح ایتك الحجاب ایتسه مثلا نصاب شهادتك - شاهدلر قادین ایتسه - بر ارکك ایله ایکی قادین اوله جنی حقدده کی مجله حکمی اصول محاکمه ده موجود عد ایدلمه لیدر ؛ فقط بو حکم ، قانون جدیدجه ارکك ایله قادین آراسنده حقوق مدنیه نك تصرف واستعمالنده مساوات تامه قبول ایدلمسینه نظراً قانون مدنی احکامنه مغایر و مخالف عد ایدیلرسه او جهتدن تطبیق ایدلمه یه جکدر ؛ یوقسه مجله نك الغا ایدلمسندن ناشی دکلدر ؛

فی الواقع نتیجه اعتباریله همان عینی غایبه واصل اولق ممکن ایتسه ده فرق ینه عظیمدر ؛ اکر مجله نك الغاسی جهتندن مذکور احکام تطبیق ایدلمه یه جکسه باشقه ؛ قانون مدنی احکامنه مغایرتندن ناشی احکام مذکوره مرعی عد ایدلمه یه جکسه نتیجه ینه باشقه در ؛ زیرا برنجی شقده بو احکامدن بعضیلرینی تطبیق و بعضیلرینی اھمال خصوصنده حاکمك تقدیری یوقدر ؛ زیرا او ماده لر ملغادر ؛ ایکنجی شقده احکام مذکوره نك قانون جدیده مغایرتی قبول خصوصنده حاکمك تقدیری واردر ؛

بو ایضا حاتدن آکلاشلدیغنه نظراً بئم نظریه ججه شیمیدیکی اصول محاکمه مز موجود اولدجه حاکم اصول بینانك هانکیلرینی قانون جدید ایله غیر قابل تألیف کورورسه - بوده تقدیرینه محولدر - اولنری تطبیق ایتمز ؛ فقط اصول محاکمه مز ایکی آی صوکرالغا ایدیله جکندن نظری اهمیت حائز اولان بومناقشه نك آنجق برایی ایلق اهمیت حائزدر .

علمی فعالیت :

قانونلرمرزی دوعروجه وقطعتله آوروپا حقوقندن اقتباس صوزتیه آلمس اولمقدن کوره جکمز بویوک بر فائده ده یازانلرمرز ایچون پك کدیش بر ساحه آچیلما سیدر ؛ قانونلرمرز، الهامنی تبعاً تمزك حدودی خارجنده قالان بر لسان (عربجه) و بر علم (فقه) دن آلدجه ادبیات حقوقیه مزك تنوعنی و تکثرینی بکله مک امکانر ایدی ؛ حیاتك احتیاجلری همیزی اجنبی لسانلرینی اوکرنمکه نه درجه قوتله مجبور ایتش ایتسه عربجه بی اھمال

وترکه او درجه سائق اولمشدر ؛ عربجهنی کوزلجه بيلمه دن علوم فقهیهنی اوکرتمک ایسه امر محالدر ؛ قالدی که اسکی احکام شیمدیکی نظریه لره تطابق ایده من ایدی ؛ او منابعه مراجعتدن ذوق آلمق نمکنسز ایدی ؛ ذی حیات اولان ملی وارلغمنزه ئولش نظریه لرك الهامنی نفخ ایتک عاقلانه بر حرکت اوله مازدی .

بونک ایچوندركه یکی قانونلرمزك آنجق ایکی اوچ آلیق حیاتی وار ایکن ادبیات حقوقیه من ایجه آنارله بزئمکه باشلامشدر ؛ احمد اسعد بکک تبععلری ، فوآد خلوصی وصبری شاکر بکک وجیهلر شرحی ، حیدر رفعت بکک عینی حقاری ، مصطفی رشید بکک قانون مدنیك ایلک اقسامیله عینی فصللر حقنده کی شرحلری ، وصفی راشد بکک کهنش تدقیقلری آز زمانده چوق ایش کورولدیکنه پارلاق بر دلیل تشکیل ایتزمی ؛ وبوندن استقبال ایچون خیرلی وامیدلی ترقیلر بکله مکّه بزّه حق ویرمزمی ؟

برآز یازی ایله اوغراشانلرمزك هیچ بریسی یازمقده اولدیغمز آتارک سهو وخطادن عاری اولدیغنی ادعا ایده من ؛ ایکی اوچ سنه صوکرّا بو اثرلر تکرار طبع اولونمق شرفه نائل اولورلرسه بالذات مؤلفلرك برچوق تصحیحاته معروض قاله جقلری شبهه سزدر ؛ مع هذا برآن اول ارباب حقوق ارشاد ایچون قلم طوتان حقوق شاسلرمزك بو مبروك فعالیت و غیرتلی شایان تذکار و شایان شکراندر ؛ مجموعه من جمله سنه تبریکلرینی وشکرانلرینی تقدیم ایدر .

بومیانده پک قیمتی و متنوع مندرجاتیله عمومزی مستفید قیلان « استانبول باروسی مجموعه » سنک نشرینه موفقیتلرندن ناشی انضباط مجلسملزه هیئت تحریریّه مخصوصه یهده آریجه تبریکاتمزی و منتلیمزی تقدیم ایدر ایکن متمادی موفقیتلرینی تمنی ایلرز .

علی میره افندی مضرتری

امضاسنی لایقيله اوقویه مادیم بر اووقات آرقداشمزدن « مجله نك تأثیرلری » عنوانیله آلدیغمز کوچوك مقاله نی نشر ایده مدیکمزدن ناشی علناً غفورلینی دیلرم ؛ یازی یازمق لطفنده بولونمش اولان رفیقلرك بو غیرتلی دأئما تشویق ایتک ایسترم . بونک عدم نشرینی دیگر یازیلرك حسن قبول کورمه یه جکنه دلیل اتخاذ بویورولماسنی رجا و رفیق محترمك باشقه یازیلرینی بکله دیکمزی بیان ایلرز .

بو مقاله نی نشر ایتدیکمزك سببینه ده ، بعض مطالعاتی سرده وسیله اوله جفندن ، بوراده ایضاح ایتک ایسترم ؛ مقاله نك بر قسمی مجموعه نی چیقارمغه موفقیتمدن ناشی لیاقتمدن

فضله تقدیراتی محتوی اولفله - تشکراتی عرض ایله برابر - علمی بر مجموعه ده فضله
یری اوله ماز ؛ ایکنجی قسمی ایسه بنجه بوس بتون یا کلش بر فکری احتوا ایدیور ؛
مجله بی قیمتدن عاری بر اثر عد ایدرهك احقاق حق ایچون حسن خدمتی اولمادیغنی ادعا
ایتمک وهم او اثری همده علی حیدر افندیك شرحلرینی قیمت علمیدن عاری
عدایله مک - هر اجتهاد کبی بوکاده حرمتکار اولفله برابر - بنجه پک یا کلش بر
مطالعهدر .

بر اثری تدقیق ایده جکمز وقت شیمدیکی کوز لیکله او قومق ، زمانسک ، محیطک
تأثیرلرینی کوز اوکنده طوماق بزلی پک حقسر حکملره سوق ایده بیلیر ؛ اولاً
اونوماهلم که مجله تدوین ایدلدیکی وق اسویجره قانون مدیسنی - ذاتاً او وقت بوقانون
یوق ایدی، فقط اوکا بکزر بر آوروپا قانونی - اقتباسه قالشقم امکانی غیر موجوددی؛
او زمان احکام فقهیهك مدون اولمامسندن ناشی داعی اولدینی محذورلر قولایلقه آکلا-
شیله بیلیر ؛ مجله ، احکام مهمه بی تدوین ایتمک صورتیله او وقت موجود بر چوق
محذورلرک اوکنی آلمشدر .

حیدر افندی حضر تارینک شرحلرینه کلنجه بو اثر محتشم بر آبدهدروناریخ حقوقزده
بر آبدده اوله رق قاله جقدر ؛ تک باشه یدی معظم جلد یازمق، مجله مک بر چوق بوشلقلرینی
طولودورمق هر کسه نصیب اولور بر موفقیت دکلدز ؛ بو شرحلر اولماسه ایدی حکامز
ایچون ، آوو قتلرمن ایچون بر چوق مسئله لر حل ایدله یین معمار حالنده قاله جقدی ؛
تأمین ایدیله بیلیر که حیدر افندی سایه سنده در که بر چوق حقلر احقاق ایدیله بیلمشدر ؛
دائماً اسمنی توقیر ایله یاد ایتمک ، دائماً الی حرمتله او پک مجبوریتنده یز ؛ باقم ، قاچ
سنده بوشرحلره مشابه قانون مدنی یه یدی جلدلک معظم بر شرح یازمق ممکن اوله جق،
وبو شرف کیمه نصیب اوله جقدر !

تورک ملت استقباله دوغرو یورومکه - حتی وادی ترقی ده پک کری قالدینی ایچون-
قوشمغه مجبور اولفله برابر ماضیسنده مربوطدر؛ ماضیده خدمت ایتمش اولانلره قارشی
حرمت حسلری بسله مکده وجیهدر . مجله بی الفا ایتمش ایسهك ماضیده خدمتی سبقت
ایتمدیکندن دکل احتیاجات حاضره بی تطمین ایدمه دیکنندز ؛ مجله حنفده سوله نه جک
اک دوغرو سوز قانون مدنیك اسباب موجه لایحه سنی قلمه آلمش اولان محمود اسعد
پک طرفندن استعمال ایدلمشدر ؛

« . . . معاصر مدنیتله مجله احکامی، شبه یوق که، قابل تألیف ده کیلدر مملکتتمزک بو کونکی انکشافات و احتیاجاتی افاده و تطمین ایلمه یین قاعده لری احتوا ایتکده در . »

بوندن فضله سی زائددر ؛ حشودر .

بناء علیه یکی قانونلره ربط قلب ایتیش اولان منسور زمزمه من بونلردن مملکت ایچون و حقوق عباد ایچون الک بویوک فائده لری استخرجه چالیشیر ایکن آرتق ترک ایتک مجبوریتده بولوندیغمز قیمتلی آتارک محرر لری اوکنده حرمتله اکیللی یز .

میواسی غاد فرانفر

قانونه مدنی

ذی الیدلک

۱

۱ — حقلمر ظاهر آ ذی الیدلک ایله تجلی ایتدیکی و ذی الید اولان کیمسه عمومیتله حق صاحبی اولدینی ایچون قانون مدنی ذی الیدلک اهمیت مخصوصه عطف ایتکده در . معافیله ذی الیدلک اموال منقوله و غیر منقوله ده عینی درجه اهمیتده دکلدر . چونکه اموال غیر منقوله ده حقلمر دها زیاده طاپو قیدی ایله تظاهر ایدر . اموال منقوله ده ایسه حق صاحبی برآز مجهول اولدیغندن بونک دلیل ظاهریسی اولان ذی الیدلکک بر چوق برلرده ذات حق یرینه اقامه ایدلمسند مجبوریت واردر .

قانون مدنیله کوره ذی الیدلکک بوجه آتی حکملر ترتب ایدر .

اولا کچن مقاله مزده ده ایضاح ایتدیکمز وجهله (حقوق بیلکیلر مجموعه سی نومرو : ۳) اکتسابی مرور زمانده اساس ذی الیدلکدر : قانون ایله معین اولان مدت ظرفنده فاصله سز و نزاع سز برماله ذی الید اولان کیمسه بونی اکتساب ایدر . فقط قانون اموال غیر منقوله ده طاپو قیدی ملکیتک دلیل ظاهریسی عد ایتدیگندن طاپو قیدندن صاحبی آ کلاشیلان غیر منقولی ذی الید اکتساب ایدر . آنحق غیر منقولک صاحبی طاپو قیدندن کیم اولدینی آ کلاشیلاماز و یاخود صاحبی یکر می سنه اول وفات ایدوبده